



মানবাধিকার প্রাতিষ্ঠান এক আভিযাত্রা

সাবরিনা মিলি

নারী ও সুবিধাবঞ্চিত মানুষের অধিকার প্রতিষ্ঠার লক্ষ্যে আইনি সহায়তা দেওয়ার জন্য যে ক'জন মানুষ নিরলস কাজ করে যাচ্ছেন, হামিদা হোসেন তাঁদের অন্যতম। তাঁর অক্লান্ত পরিশ্রমে গড়ে ওঠে বর্তমানে সবার কাছে সুপরিচিত প্রতিষ্ঠান 'আইন ও সালিশ কেন্দ্র'। সাধারণ মানুষের নাগরিক অধিকার প্রতিষ্ঠা করাই এ প্রতিষ্ঠানের মুখ্য উদ্দেশ্য। আইন ও সালিশ কেন্দ্র মানবাধিকার প্রতিষ্ঠা ও বৈষম্যমূলক কার্যক্রম বন্ধে দীর্ঘদিন ধরে কাজ করে যাচ্ছে। প্রতিষ্ঠানটি মানবাধিকার রক্ষার্থে আইন, সহিংসতা বন্ধ, বস্তি উচ্ছেদ কার্যক্রম বন্ধ, সংখ্যালঘুদের স্বার্থ রক্ষা, রাষ্ট্রীয় প্রতিষ্ঠানগুলোতে সংঘটিত সহিংসতা বন্ধে কাজ করে। আইন ও সালিশ কেন্দ্র সামাজিক ইতিবাচক কার্যক্রমকে উৎসাহিত করার পাশাপাশি নীতি নির্ধারণেও ভূমিকা রাখছে। তবে হামিদা হোসেন শুধু এই প্রতিষ্ঠানের অন্যতম প্রতিষ্ঠাতা সদস্যই নন, বাংলাদেশে যারা মানবাধিকার নিয়ে কাজ করেন তিনি তাঁদের মধ্যে শীর্ষস্থানীয় নেত্রী। মুক্তিযুদ্ধের পরবর্তী সময়ে নির্যাতিত নারীদের অবস্থা দেখে তিনি অবহেলিত মানুষের পক্ষে কাজ করার প্রেরণাবোধ করেন। সেই থেকে আজও নিরলসভাবে কাজ করে যাচ্ছেন বিশিষ্ট এই মানবাধিকার কর্মী, ইতিহাসবিদ। তাঁকে নিয়েই এবারের পথিকৃৎ

কারণ এখনো স্কুলে তেমনটা দেখা যায় না। তবে কলেজ, বিশ্ববিদ্যালয়ে কিছুটা দেখা যায়। আমার বাবা-মা আমাদের অনেক স্বাধীনভাবেই বেড়ে ওঠার সুযোগ দিয়েছিলেন বলেই সেই সময়ে এভাবে চলাফেরা করতে পেরেছিলাম।' ছোটবেলায় সাতার কাটতে এবং ডাকটিকেট সংগ্রহ করতে পছন্দ করতেন খুব। চাচাতো ভাইবোনরাও একই শহরে বাস করত বলে ছোটবেলাটা কেটেছে আড্ডায়-আনন্দে। করাচিতে সেন্ট জোসেফ মিশনারি স্কুল থেকে হায়দ্রাবাদে এসে সেন্ট মেরি'স মিশনারি স্কুলে ভর্তি হন। সেখান থেকে ১৯৫১-৫২ সালে হামিদা হোসেন মেট্রিক পাস করেন। হায়দ্রাবাদে কলেজের প্রথম বর্ষে পড়াশোনা করার সময় 'নিউ ইয়র্ক হেরাল্ড ট্রিবিউন' আয়োজিত রচনা প্রতিযোগিতায় জয়ী হয়ে ৩ মাস আমেরিকায় ভ্রমণের সুযোগ পান। সেখানে তিনি একটি আমেরিকান পরিবারের সাথে থেকে স্কুলে যেতেন। সতের বছর বয়সে তিনি বৃত্তি নিয়ে আমেরিকার ওয়েলেসলি কলেজে পড়তে যান। সেখানে তিনি ৩ বছর পড়ালেখা করেন। এরও অনেক পরে '৭০-এর দশকে হামিদা হোসেন অক্সফোর্ডের সেন্ট এন্টোনি'স কলেজ থেকে পিএইচডি করেন। তাঁর থিসিসের বিষয় ছিল, 'ইস্ট ইন্ডিয়া কোম্পানির অধীনে বাংলার বস্ত্রশিল্পের উৎপাদন'। সে-সময়ে এ বিষয় ধরে খুব বেশি পিএইচডি হয়নি। এমন একটা বিষয় কেন

কর্মজীবন

আমেরিকা থেকে ফিরে আসার পরে, তিনি করাচিতে পাকিস্তান ইনস্টিটিউট অব ইন্টারন্যাশনাল অ্যাকাডেমি-এর গবেষণা সহকারী হিসেবে কর্মজীবন শুরু করেন। সেখানে তাঁকে জার্নাল সম্পাদনা করতে হতো। এরপর তিনি করাচিতে অক্সফোর্ড ইউনিভার্সিটি প্রেসে সম্পাদক হিসেবে যোগ দেন। ঢাকায় আসার পর অক্সফোর্ড ইউনিভার্সিটি প্রেসের ঢাকা অফিসে যোগ দেন। এছাড়াও তিনি করাচি থেকে প্রকাশিত রাজনৈতিক সাপ্তাহিক 'আউটলুক'-এ ফিল্যান্ডার হিসেবে কাজ করেন। আইয়ুব খানের সামরিক সরকার একসময় এটি বাজেয়াপ্ত করে। ১৯৬৮ সালে তাঁরা কিছু বন্ধু মিলে 'ফোরাম' নামের একটি রাজনৈতিক সাপ্তাহিক বের করার সিদ্ধান্ত নিলে হামিদা হোসেন এর সম্পাদক হিসেবে দায়িত্ব গ্রহণ করেন। রেহমান সোবহান ছিলেন এর নির্বাহী সম্পাদক। ১৯৭১ সালে পত্রিকাটি বন্ধ হয়ে যায়। তিনি কারুশিল্প এবং তাঁতিদের নিয়ে গুরুত্বপূর্ণ কিছু কাজ করেন। এর মধ্যে 'কারিকা'র প্রতিষ্ঠা ছিল গুরুত্বপূর্ণ একটি ঘটনা। ১৯৭৪ সালে সমগ্র বাংলাদেশ থেকে সংগৃহীত কারুশিল্প নিয়ে জাতীয় পর্যায়ের একটি প্রদর্শনীর আয়োজন করেন। এই প্রদর্শনীটি 'কারিকা' এবং 'হস্তশিল্পী সমিতি' গঠনের পেছনে গুরুত্বপূর্ণ ভূমিকা পালন করে। কারিকা নিয়ে তিনি জানান—কারিকা যাত্রা শুরু করে ১৯৭৪ সালের দিকে।

আশির দশকে তিনি এবং আরও কয়েকজন মিলে নারী ও সুবিধাবঞ্চিত মানুষের অধিকার প্রতিষ্ঠার উদ্দেশ্যে প্রথমে একটি প্রতিষ্ঠান গঠনের কথা ভাবেন এবং সেটির নাম দেন 'আইন ও সালিশ কেন্দ্র'। নয় জন মিলে এটি প্রতিষ্ঠা করেন যেখানে তাঁরা-সহ জুনিয়র আইনজীবী এবং শিক্ষার্থীরা স্বেচ্ছাসেবী হিসেবে কাজ করতেন। প্রথমে তাঁদের এক বন্ধু ধানমন্ডিতে একটি গ্যারেজ দেন 'আইন ও সালিশ কেন্দ্র'র অফিস করার জন্য। পরে এই অফিসটি পুরানা পল্টনে স্থানান্তরিত হয়। প্রথম দিকে তাঁরা অফিসে সাইনবোর্ড বুলিয়ে দিয়ে সারাদিন বসে থাকতেন, কিন্তু সহায়তা নেওয়ার জন্য কেউ আসত না।

ড. হামিদা হোসেন ১৯৩৬ সালের ২৮ ডিসেম্বর পাকিস্তানের সিন্ধু প্রদেশের হায়দ্রাবাদ শহরে জন্মগ্রহণ করেন। বাবা-মায়ের ছয় সন্তানের মধ্যে হামিদা সবার ছোট। তাঁর শৈশব কেটেছে করাচিতে। বাবা ছিলেন জেলা জজ। চাকরিসূত্রে বিভিন্ন জেলায় বদলি হওয়াতে তাঁদের পড়াশোনার ক্ষতি হতো। ছেলে-মেয়েরা যাতে ভালো স্কুলে যেতে পারে সেজন্য হামিদা হোসেনের মা তাঁদের নিয়ে করাচিতে থাকতেন। হামিদা হোসেন করাচির একটি মিশনারি স্কুলে পড়ালেখা করেন। তিনি সে স্কুলের স্মৃতিচারণ করেন এভাবে—করাচি তখন খুব সংস্কারমুক্ত শহর ছিল। সেখানে মুসলিম, হিন্দু, খ্রিস্টান সম্প্রদায় সবাই মিলেমিশে বাস করত। কেউ কোনো পার্থক্য বুঝতে পারত না। বর্তমানে যেমন কে হিন্দু, কে মুসলমান বা বৌদ্ধ এরকম একটা চিন্তাধারা মানুষের মাঝে এসেছে, এটা ১৯৪৭ সালের পার্টিশনের আগে তেমন ছিল না। '৪৭ সালের পরে সিন্ধু থেকে সব হিন্দু ধর্মাবলম্বী চলে গেল। ভারত থেকে অনেক মুসলমানও এখানে এল। পরিবেশও বদলে যেতে থাকল। তবে আমি যে স্কুলে পড়েছি সেখানে বিভিন্ন ধর্মের মানুষ থাকায় পরিবেশ ছিল সুন্দর। ইংরেজি মাধ্যমে পড়ালেখা করেছি। আমাদেরকে সেখানে ফার্সিও পড়ানো হতো। এরপর আমরা হায়দ্রাবাদে চলে আসি। সেটাও বেশ বড় শহর ছিল। সেখানে আমি সাইকেলে করে স্কুলে যেতাম। একথা আমার মেয়েদের বললে তারা বেশ অবাক হয়।

বেছে নিলেন, জানতে চাইলে তিনি সে-সময়ের স্মৃতিচারণ করেন—পিএইচডি'র কাজটা আমি অনেক পরে শুরু করি। প্রথমে আমার অ্যাকাডেমিক ব্যাপারে তেমন আগ্রহ ছিল না। ১৯৭৫ সালে বঙ্গবন্ধুকে হত্যার পর আমরা লন্ডন চলে যাই। সে-সময় আমার মেয়েরা স্কুলে যায়। এমন অবস্থায় কী করা যায়, এই চিন্তা থেকেই প্রস্তুতি শুরু। এছাড়া লন্ডন যাওয়ার আগে বেশ কয়েক বছর আমি ঢাকায় ক্রাফটস নিয়ে কাজ করেছিলাম। সেই সূত্রে তাঁতিদের সঙ্গে, তাদের কাজের সঙ্গে পরিচয় ঘটে। আমার থিসিসে আমি তাঁতিদের কাজের ওপর জোর দিয়েছিলাম। আমি তাদের কাছ থেকে দেখেছি—তারা কীভাবে কাজ করে। আমার থিসিসের সুপারভাইজার ছিলেন ইতিহাসবিদ ড. তপন রায়চৌধুরী। থিসিসের প্রয়োজনে সে-সময় ব্রিটিশ মিউজিয়ামের ইন্ডিয়ান অফিস লাইব্রেরিতে যাই। সেখানে গিয়ে আমি তো অবাক। কারণ, সেখানে অনেক বড় বড় ফাইল এবং ডকুমেন্ট। সব হাতে লেখা। আমি বলব আমার ভাগ্যটা ভালো ছিল। কারণ, সে-সময়েই ড. আনিসুজ্জামান সেখানে বাংলা থেকে ইংরেজি করার কাজটা করেছিলেন। ফলে আমি যে তথ্যগুলো ব্যবহার করতে পেরেছিলাম সেগুলো আগে কেউ ব্যবহার করতে পারেনি।

কিন্তু আমরা কারিকার সাথে যুক্ত হওয়ার আগে স্বাধীনতার আগ থেকে কাজ শুরু করি। কারণ, নারীদের ও তাঁতিদের এগিয়ে যাওয়ার পথে মূল বাধা ছিল অর্থ। তাই কে কী পারে যেমন—কুষ্টিয়ার কাথার খুব সুনাম ছিল। আমরা কুষ্টিয়াতে গিয়ে তাঁতিদের কাপড় ও আনুষঙ্গিক মার্চেন্টেরিয়াল দিয়ে সেগুলো মার্কেটে আনার ব্যবস্থা করলাম। যেসকল বিধবা নারীর সাথে আমরা কাজ করেছিলাম তাদের অনেকেই সমবায়ের মাধ্যমে এখানকার সদস্য হয়ে গেল।

আইন ও সালিশ কেন্দ্রের যাত্রা

আশির দশকে তিনি এবং আরও কয়েকজন মিলে নারী ও সুবিধাবঞ্চিত মানুষের অধিকার প্রতিষ্ঠার উদ্দেশ্যে প্রথমে একটি প্রতিষ্ঠান গঠনের কথা ভাবেন এবং সেটির নাম দেন 'আইন ও সালিশ কেন্দ্র'। নয় জন মিলে এটি প্রতিষ্ঠা করেন যেখানে তাঁরা-সহ জুনিয়র আইনজীবী এবং শিক্ষার্থীরা স্বেচ্ছাসেবী হিসেবে কাজ করতেন। প্রথমে তাঁদের এক বন্ধু ধানমন্ডিতে একটি গ্যারেজ দেন 'আইন ও সালিশ কেন্দ্র'র অফিস করার জন্য। পরে এই অফিসটি পুরানা পল্টনে স্থানান্তরিত হয়। প্রথম দিকে তাঁরা অফিসে সাইনবোর্ড বুলিয়ে দিয়ে সারাদিন বসে থাকতেন, কিন্তু সহায়তা নেওয়ার জন্য কেউ আসত না। কারণ এসব দরিদ্র মানুষ তাদের নিজেদের অধিকার সম্পর্কে মোটেই সচেতন ছিল না। তাছাড়া প্রথমে তারা বিশ্বাসই করত না যে, টাকাপয়সা ছাড়া কেউ এরকম

সহায়তা দিতে পারে। এ অবস্থায় হামিদা হোসেন-সহ অন্যান্যরা হতাশ হয়ে পড়েন। কিন্তু পরে তাঁরা এসব মানুষের বাড়ি বাড়ি গিয়ে তাদের অধিকার সম্পর্কে সচেতন করেন এবং তাঁদেরকে বিনামূল্যে সহায়তা দেয়ার কথা জানান। দরিদ্র ও সুবিধাবঞ্চিত মানুষেরা নিজেদের অধিকার সম্পর্কে জানার পর সহায়তা নেয়ার জন্য ধীরে ধীরে আইন ও সালিশ কেন্দ্রে আসতে শুরু করে। আইন ও সালিশ কেন্দ্র ছিল নারীদের আইনী ও সামাজিক সহায়তা দেয়ার একটি প্রাতিষ্ঠানিক উদ্যোগ। আইন ও সালিশ কেন্দ্র প্রতিষ্ঠা করা অভিজ্ঞতার কথা জানতে চাইলে তিনি বলেন, নারী পুরুষের যে ব্যবধান এটা স্বাধীনতার আগে পর্যন্ত আমার মাথায় আসেনি। কারণ, আমি আমার পরিবারে বেশ স্বাধীনভাবে বেড়ে উঠেছি। তাই কোথায় নারীদের উপর কী হচ্ছে সেটা নিয়ে তেমন কোনো ধারণা ছিল না। ১৯৭১-এর পরে ড. কামাল হোসেন নির্বাচিত হওয়ার পরে ওর কাছে অনেকে আসত। অনেক বিধবাও আসত। তখন আমি তাদের সাথে কথা বলতে শুরু করলাম। দুর্ভাগ্যক্রমে আমাদের সমাজের নারীরা অন্যের উপরই বেশি নির্ভরশীল। ফলে কোনো দুর্ঘটনা ঘটলে আবেগের জায়গা তো থাকেই, সেই সাথে বড় সমস্যা হয়ে দাঁড়ায় অর্থনৈতিক সমস্যা। আমরা আইন ও সালিশ কেন্দ্র থেকে কয়েকটি বিষয়ের দিকে বেশি গুরুত্ব দেই যেমন—আর্থিকভাবে অসচ্ছল নারী, শ্রমিক এবং শিশু শ্রমিক। এটা কেবল কোর্টের সাথে সম্পৃক্ত নয় বরং

প্রকাশিত বইয়ের মধ্যে রয়েছে। ১৯৮৮ সালে 'Company Weavers of Bengal: Textile Production for the East India Company 1750-1813' প্রকাশিত হয় ইউনিভার্সিটি প্রেস, নিউ দিল্লি থেকে। ১৯৯০ সালে সালমা সোবহান এবং রুশন জাহানের সাথে তাঁর লেখা 'No Better Options?: Women Workers in Bangladesh' ইউনিভার্সিটি প্রেস থেকে প্রকাশিত হয়। Cole P. Dodge এবং এফ. এইচ. আবেদের সাথে সহ-সম্পাদক হিসেবে 'Crisis and Development: Coping with Disaster in Bangladesh' বইটি ইউ.পি.এল. থেকে ১৯৯২ সালে প্রকাশিত হয়। ১৯৯১ সালে বঙ্গোপসাগরের দক্ষিণ-পূর্বে চট্টগ্রাম এবং কক্সবাজার সাইক্লোন আক্রান্ত হবার পর সবার ভিন্ন ভিন্ন ত্রাণ এবং পুনর্বাসনের অভিজ্ঞতার প্রবন্ধসমূহ সংকলিত হয় বইটিতে। ১৯৮৭ সালে Oxford University Papers on India, Volume-1-এর part 2-তে বস্ত্রশিল্পের ইতিহাসের ওপর এবং ১৯৯৬ সালে বস্ত্র এবং বাণিজ্য (Cloth and Commerce) নিয়ে বেশকিছু লেখা প্রকাশিত হয়েছে। এছাড়াও বিভিন্ন প্রাতিষ্ঠানিক সাময়িকী যেমন—Economic and Social History Review, Delhi; Journal of Social Science; Journal of the Asiatic Society of Bangladesh, Dhaka ইত্যাদিতে লেখা প্রকাশিত হয়েছে।

বিভিন্ন সাময়িকীতে বস্ত্রশিল্পের ওপর তাঁর লেখা প্রবন্ধ প্রকাশিত হয়েছে। আইন ও সালিশ কেন্দ্র কর্তৃক প্রকাশিত 'বাংলাদেশে মানবাধিকার' নামক বইটি তিনি (১৯৯৬ এবং ২০০৭ সালে একটি বার্ষিক প্রতিবেদন) সম্পাদনা করেন। এছাড়াও মানবাধিকার বা নারী অধিকার-এর ওপর তাঁর অনেক লেখা বিভিন্ন জাতীয় দৈনিক পত্রিকা এবং জার্নালে প্রকাশিত হয়েছে। ১৯৬৫ সালে প্রখ্যাত আইনজীবী ড. কামাল হোসেনের সাথে হামিদা হোসেন বিবাহবন্ধনে আবদ্ধ হন। ১৯৬২ সালে পাকিস্তান থেকে ঢাকার পরীবাগে তাঁর বোনের বাসায় বেড়াতে এসেছিলেন। এসে জানলেন এখানে নিউ ভ্যালুস ক্লাব রয়েছে। অধ্যাপক খান সারওয়ার মুরশিদ, অধ্যাপক রেহমান সোবহান, অধ্যাপক আবদুর রাজ্জাক প্রমুখ শিক্ষাবিদ এর সঙ্গে জড়িত ছিলেন। ড. কামাল হোসেন তখন ঢাকা বিশ্ববিদ্যালয়ে আইন পড়ান। হামিদা হোসেনের বোনের স্বামীও ওই ক্লাবের সাথে ঘনিষ্ঠ। আর সেই সুবাদে ১৯৬২ সালেই ড. কামাল হোসেনের সাথে তাঁর প্রথম দেখা হয় এবং দেখা থেকে প্রেম। এর দু'বছর পর ১৯৬৪ সালে লন্ডনে তাঁদের বিয়ে হয়। ঘটা করে নয়, সাদামাঠাভাবে তাঁদের বিয়ে সম্পন্ন হয়। হামিদা হোসেনের দুই মেয়ে। বড় মেয়ে সারা একজন আইনজীবী। ছোট মেয়ে দিনা চিত্রপরিচালক। হামিদা হোসেন মনে করেন, সমাজ ও পরিবার উভয়ক্ষেত্রেই গণতন্ত্রের চর্চা করতে হবে। নারীদের ক্ষেত্রে এটা বিশেষ করে খুবই গুরুত্বপূর্ণ, কারণ নারীরা প্রধানত পরিবারের অধীনস্থ হয়ে থাকে আর এখান থেকেই পারিবারিক সন্ত্রাসের শুরু হয়। নারীরা পরিবারে, কর্মক্ষেত্রে আর সমাজে তাদের অধিকার প্রতিষ্ঠার লক্ষ্যে নীতি ও আইন সংস্কারের জন্য সংগ্রাম করে আসছে। নারী সংগঠনগুলো অনেক দূর এগিয়েছে, কিছু কিছু নারী অর্থনৈতিকভাবে স্বাবলম্বী হয়েছে, তারপরও লিঙ্গবৈষম্য আর সম-অধিকারের লড়াইকে এগিয়ে নিয়ে যেতে হবে।